

N. N. II, 173.

h. 34, II.

DISSERTATIO INAUGURALIS JURIDICAE
DE

FORO & PRIVILEGIIS

PRACTICANTIVM
IN CAMERA IMPERIALI,

Quam
EX POTENTISSIMI atque SERENISSIMI
PRINCIPIS AC DOMINI,

DOMINI

ERNESTI LUDOVICI,
HASSIÆ LANDGRAVII &c. &c. &c.

speciali permissione absque PRÆSIDE,

In celeberrima LUDOVICIANA,

*Pro summis in utroq; Jure honoribus,
Privilegiis & Immunitatibus*

ritè legitimèque consequendis,

Placidæ Disquisitioni & Censuræ publicæ submittit

ANSELM. FRANCISC. ANTONIUS
SPOENLA, Erfurtenfis.

Anno MDCCXVIII. ad Diem 1. Februarii,
in Auditorio majori hōris consuetis.

GIESSÆ - HASSORVM,

Typis VIDUÆ JOH. REINH. VULPII, Acad. Typogr.

II R
3504



Cuncta
in honorem & gloriam
SANCTISSIMÆ
TRINITATIS

procedant.



REVERENDISSIMO
ET EMINENTISSIMO
PRINCIPI AC DOMINO,
DOMINO
FRANCISCO
LOTHARIO
SACRÆ SEDIS MOGUNTINÆ
ARCHI-EPISCOPO,
S. R. I. PER GERMANIAM
ARCHI-CANCELLARIO,
ELECTORI,
NEC NON
EPISCOPO BAMBERGENSI.
DOMINO MEO GRATIOSISSIMO.

54
Reverendissime & Eminentissime
PRINCEPS ELECTOR,

Domine longe Clementissime.



Rima statim fronte in sancti-
tatem assertionum mearum
peccare videor, & destruere,
quod laboriosa hactenus in-
dustria mea erigere statuit Ju-
stitiæ sanctuarium: cum fo-
rum practicantium in Came-
ra Imperiali statuam, oreque
& Calamo asseram esse Cameram, in qua re-
veremur & adoramus supremum totius Impe-
rii Judicium; Reapse tamen id ipsum agno-
scam & adorem in te Eminentissime Elector,
apud

apud quem a clementissima tua munificentia præventus hisce præsentibus compareo, multorum reus debitorum. Dum vero non in mea practican- tis, sed in parentis defuncti, matris viduæ, & fratrum meorum persona ac nomine me sistam in foro Electoralis Eminentiaë veniam, imo nomen pietatis meretur perperam præsumptæ impietatis meæ audacia. Raperunt nuper fata! Heu nimium acerba, raperunt, inquam, parenti meo cum vita omnem, contractis apud te debitis satisfaciendi facultatem: debet is clementissimæ tuæ munificentiaë prætoriam suam authoritatem, qua eximiam ejus prudentiam, insitasque à natura & arte singulares animi corporisque dotes Erfurti præfulgere subditis tuis, gratiosissimè imperasti. Debet beneficia Ecclesiastica, quibus orthodoxam ejus fidem & Germanam in administranda provincia sibi collata fidelitatem, in filiis etiam posthumis condecorasti. Debet gratias cumulatisimas, quas hæctenus atque etiam nunc liberali misericordia non desinis accumulare in sinu afflictæ ejusdem viduæ. Debet denique vitam fortun-

A 3

nasque

nasque omnium nostrum, qui præcoce parentis morte plus nimio labefactati, in tristitia, in squallore, in latebris compurruissemus. Nisi pulchrum ac decorum semper existimasses, nominari & esse te patrem viduarum atque pupillarum. Gravissima sanè nomina, quæ parentem suavissimo obstrinxere vinculo. Quis tot tantisque nominibus par dissolvendis, audeat in foro munificentissimæ tuæ Eminentia comparere? vidua, sequioris non immemor sexûs, erubescit prodire in publicum, quin adeo in forensi iudicio agere prohibetur. In parentum debita ex jure succedit filius; cum proinde frater meus in administrationem Satrapia à te nuper clementissimè adoptatus, negotiis, servitiisque tuis detineatur. Ego in parentis defuncti persona, quorum moraliter idem est hæres filius, felicissimis, iisdemque, quibus parentem ligaverat clementissima tua munificentia vinculis constrictum me sisto, & sub jure foro Electoralis Eminentia tuæ, tibi que me ut jure decet infinitè teneri humillimè profiteor, humanitatisque observando rationem, revereri scilicet eos, quorum benignitate erigimur,

gimur, hasce Assertiones Juridicas, ut ut exiguas demississime præsentō, & pro tantæ benignitatis, munificentiæ, & gratiarum collatione, id quod summum habemus, obsequiosissimè præsto, nempe me ipsum, quantum quantus sum, totum tibi submississimè dico & dedico in perpetuum.

Non dedignare Eminentissime Elector, hoc debitæ obligationis meæ pignus gratiosissimum in sinum admittere, meque clementissimo semper animo fovere, ut quemadmodum hucusque favore tuo & gratiis felicissimè adolevi, ita vivere deinceps liceat in tuis & patriæ obsequiis, iisque pulcherrimo parentis mei Exemplo fideliter immori. Atque ita non modo relevabitur acerbum illud à præmatura parentis morte incisum familiæ nostræ afflictæ vulnus, sed & mihi favoris
[publici

CAP.

publici via Eminentissima clementia aperietur,
qua vitam meam (ad extremum usque Spiri-
tum tibi tanto fructuosius devoveam.

*Reverendissima & Eminentis-
sima Celsitudinis Vestrae*

Dabam Gissa d.r.
Febr. 1718.

*submissimus & obligatissimus
Servus*

ANSELM FRANZ ANTHON SPOENLA.

CAPL-





CAPITVLVM PRIMVM, DE

Foro Practicantium in Camera Imperiali.

Affertio 1.



Agabundus locos Juris Communes per-
transivi, & ecce: tandem deprehensus
trahor ad iudicium, quod Camerale
& supremum totius Imperii vocatur.
In eo myriades utilitatum, & Commo-
dorum pro Practicantibus reperiri, vn-
dique perspectum. Quod Encomiis
fat extollere me incapacem inveni. Ast praxin eo, quo mo-
do anima in homine operari, certum confirmant practici.
Etenim absente eâ theoriam studium mortuum, purósque
theoreticos magis damno quam commo-
do reipublicæ esse
contendunt. Hinc bene: sine doctrina fori manca ac inuti-
lis scientia Juris videamus Sued. *Introd. ad Jus Publ. Cap. 1.*
N. 10. consultius & tutius esse dicit fundamenta in Acade-
miis

B

miis posita, ex post usu quotidiano & praxi confirmare. Itaque hac celeri calamo elaborata dissertatione mea de foro & Privilegiis Practicantium in Camera Imperiali, & imprimis in genere, & ex post in specie materia mihi erit pertractanda. Ut exinde clarius & melius utilitates fluentes ex praxi percipiendæ & capiendæ sint.

ASSERTIO II.

Explicationem nominis præ omnibus præmittendam esse concludit Pfanckuch *de Summ. Poss. Lib. I. Cap. I.* ubi hæc verba: Sine nominis explicatione rem cognoscere, nihil aliud est, quam tempus perdere; Et sicut natura ab Elementis, sic ars à verbis incipit. Qua de causa huius sententiam sequi non inconsultum esse sensi; Etenim forum communiter denotare locum, in quo iudicium constituitur. *Est Ort / wo man Gericht haltet. asserit Calep. dict. voce forum.* Sed in nostro sensu est competentia, iudicis inter partes litigantes. *Struv. Synt. Jur. Ex. IX. lib. V. tit. 1.*

ASSERTIO III.

Et hæc fluit vel ex jure communi vel ex jure singulari. Ex jure communi vel est domicilii, rei sitæ, contractus, delicti, continentia causæ.

ASSERTIO IV.

Forum domicilii aliud est naturale seu originis, aliud accidentale seu habitationis. Originis forum est, in quo quis natus. Habitationis vero forum est locus, qui ab ali-
quo

quo constitutus perpetuo ibi commorandi, nisi quid avocet.
 Menoch. *de Arbitr. Jud. libr. 2. L. cives C. de Incolis.*

Affertio V.

Rei sitæ forum est competentia Judicis inter partes litigantes propter rem de cujus proprietate, vel alio quovis Jure in re quaritur, ibi sitam. *L. un. C. ubi de poss. quer. L. 3. C. ubi in rem act.*

Affertio VI.

Forum contractus est competentia Judicis vel loci contractus vel destinatae solutionis inter partes. *L. 21. de O & A. Zoëf. libr. 5. de Jud. L. 19. §. 2. de Jud. si ibi reperiantur. Cap. 1. Romana §. contrahentes de foro compet. in 6. Stryck. Introd. ad Praxin for. Cap. 1. XXXI. quod si reus in eodem loco bona possideat, actor in ea missionem impetrare poterit. Laut. Comp. libr. V. tit. 1. de Jud.*

Affertio VII.

Delicti forum est competentia judicis loci delicti tam consummati quam inchoati in delinquentem si ibi reperiantur. *Gail. Libr. 3. O. XXXVI. in loco alieno captus, ad requisitionem judicis loci delicti commissi remittitur datis reversalibus.*

Affertio VIII.

Continentiæ causæ forum est competentia judicis proveniens ex conjunctione causarum connexarum inter partes

res *L. 10. h. t.* Et hæc iterum duplex, vel ratione personarum v. g. si plures conveniendi diversis jurisdictionibus subiecti; vel ratione rerum, si illæ in diversis ditionibus sitæ: *Rod. libr. 1. Cap. 5. de cont. caus.* plura vide apud eundem & *Blum. process. Cam. tit. X. L. de cont. caus.* *Struv. Synt. Jur. Ex. IX. tit. 1.*

Assertio IX.

An partes litigantes foro suo renunciare possint, dubitatur! potest enim quisque favori pro se introducto renunciare, *L. 29. C. de pactis.* Ast respondeo cum Gailio *libr. 1. O. X. L. de renunt. fori.* vel solum favorem partium respicit vel simul Superioris. Priori casu poterunt. Posteriori minimè. Quia tendit in præjudicium tertii, *Gail. Lib. 1. O. X. L.*

Assertio X.

Ex jure singulari fluit competentia vel ex ratione rerum vel conditione personarum, & hæc vocatur forum privilegiatum.

Assertio XI.

Res verò, quæ gaudent privilegio fori sunt vel Ecclesiasticæ vel Sæculares. Ecclesiasticæ in Ecclesiastico, sæculares in sæculari foro vel judicio movendæ & expediendæ sunt, plura in *Zoës. ad ff. libr. 5. tit. de jud.*

Assertio

Affertio XII.

Ex conditione personarum provenit forum privilegiatum tam ex persona rei, quam actoris. Ex persona actoris: quod procurator Camerae salarium residuum a suis clientibus (etiamsi sub aliena Jurisdictione) in Camera petere possit. Blum. *process. Cam. tit. XXVI. Rod. Libr. 3. t. VII. de mon. C. p. 1. tit. XLVI. §. 10.* Ex persona rei: quod Clericus in judicio Ecclesiastico sit conveniendus. Principes, praelati, Comites, Barones, Nobiles immediati in casibus ab ordinatione expressis coram austregis. *C. p. 1. t. 5.* Personae Camerales in judicio Camerali. Sufficiat igitur aliquatenus generalia praemisisse nunc ad Scopum nostrum, qui est forum practificantium in Camera Imperiali.

Affertio XIII.

Quaeritur an practicans in Camera gaudeat privilegio fori? pauca hic praemonenda esse autumo. Etenim non omnibus datum hoc privilegium fori, sed solum iis, qui immatriculati sunt. Fiunt enim per matriculam personae Camerales. Itaque gaudebit iste privilegio fori, si sit immatriculatus, secus vero si non sit. *C. p. 1. tit. LXIII. §. 6.*

Affertio XIV.

Cupientes recipi in numerum practificantium uni pedellorum notificare debebant, ut de eo judicem certioorem faceret. Judex duos Assessores deputabat ad examinandos istos de sua conditione, proposito, vita & patria. Hi

B 3 data

data responsa in Senatu referebant. Facta relatione si recipiendi, iudex ex Senatu progrediens expectantibus ibidem indicabat. In quibus propter multitudinem negotiorum à Præside Camera hodiè dispensatur, & sufficit, si de hoc Præsides ab ante certior factus, & ex post nomina sua per pedellum apud Collegium Camerale professi, albo ad hoc destinato recipiantur mercede soluta pedello pro labore. *C. p. 1. d. tit.*

Affertio XV.

Qui verò immatriculati non sunt, nullo modo privilegio fori gaudere, sed subesse magistratui ejus loci in quo Camera residet (qui hodie est Wetzlaria) certum est.

Affertio XVI.

Dubitatur, si practicans Wetzlariae, contraxisset, vel æs alienum conflasset, domumque reversus esset, an in Camera, vel in loco domicilii conveniendus sit? ad quod dubium cum sit decisum in Jure Canonico *Cap. 1. contrahentes de foro compet. in 6.* quod etiam in praxi sequimur; contrahentes conveniri posse in loco contractus initi si ibi reperiantur, non vero si reversi domum; Dico talem non in Camera sed in foro domicilii conveniendum esse. Quia ordinatio contraria in hoc passu invenienda non est.

Affertio XVII.

Sed ponamus, quod talis practicans, qui Wetzlariae æs alienum conflavit, vel contraxit, artes liberales derelinqueret, & inciperet mercaturam frequentaretque nundinas,

dinas Francofurtenses; Quaritur an mercibus adductis arrestum imponi possit à iudice Francofurtensi? Respondeo Negativè. Quia Privilegium nundinis Francofurtensibus & Lipsiensibus concessum; vigore cuius, nullus mercatorum conveniri (scilicet tempore nundinarum) vel merces eorum arrestari possunt. *L. U. C. de nund. & merc.* Limitatur tamen prius; nisi sint de fuga suspecti. Tali enim modo conveniri & arrestum imponi posse, vide ex *Mev. de arrest.* C. II. n. 17.

Affertio XVIII.

Sed si alieno in loco debita fecisset annon propter hæc in Camera conveniendus? Respondeo affirmativè. Ratio. Quia actor sequitur forum rei, & rei forum nempe practicantis pro nunc est Camera, ergo in ea conveniri posse omni dubio caret. Habet tamen jus revocandi propter *L. 2. ff. §. 4. de Jud.*

Affertio XIX.

Delinquentem habere magistratum loci delicti perpetrati competentem Judicem non indiget probatione. Ast fallere hoc in practicantibus, affirmatur per Reversales exhibitas de Anno 1700. decimo tertio Julii à civitate Wetzlariensi in causa Johann Ernst Truchsessen von Wetzhausen/ qui quendam nomine Franck vulnerans, quapropter civitas eum apprehendit, sibi que desuper cognitionem appropriare intendens, Cum verò Fiscalis Casareus contra memoratam civitatem mandatum extraxisset, Reversales talia continentes dedisse legitur. Si à personis Cameralibus,

meralibus, sollicitatoribus, dependentibus, sicut etiam
 fervientibus imposterum delictum criminale committetur
 (sive sit capitale, sive non) retinebit civitas apprehensio-
 nem personæ, eam vero extradet collegio Camerali, quod
 delinquentem judicabit; sed executio sententiæ civitati re-
 manebit. Obstat quidem videbatur Ordinationis Camera-
 lis §. 23. tit. LXIV. in fine, ubi hæc verba: derohalben dann
 auch Cammer Richter/ Besitzer zuvor gute Erkundig-
 ung haben sollen / alsdann die Obrigkeit gemeldter
 Stadt/ wie sich gebühret zu berechtigen und zu straffen
 befehlen. Sed resolutio verbi *berechtigen*: datur ex Be-
 soldi thesauro practico voce *berechtigen*. Explicat enim,
 quod non cognitionem, sed nudam executionem sententiæ
 adsignificet. Facitque distinctionem inter *berechtigen* &
rechtfertigen. Quod ultimum simul disceptationem &
 cognitionem denotare asserit, & competere iudicio Came-
 rali in personas Camerali albo inscriptas. Illud vero ma-
 gistratui civitatis.

Affertio XX.

Sed si immatriculatus Camerae abscedat, quaeritur an
 matricula exspiret vel non? Respondeo manere & non ex-
 spirare; quod confirmatur per casum certi alicujus practi-
 cantis nobilis spiræ, qui immatriculatus Camerae Imperialis
 erat. Hic decedens spirâ, aliam universitatem frequenda-
 vit, & in eadem matriculæ iterum inscriptus. Cum verò
 post anni spatium & aliquos Dies reversus spiram, magnis
 in rixis deprehensus fuit. Hinc magistratus ipsum arresta-
 vit; quapropter talis practicans apud Judicium Camerale,
 desuper conquestus; In quo ex post quaestio orta an talis pro
 imma-

immatriculato habendus, & gauderet Privilegiis adhuc ab ordinatione Camerali concessis? & fuit conclusum in pleno Anno 1668. decimo tertio Martii, quod pro immatriculato habendus, & iudicium ipsi assistentiam præbere velit. Ideoque fiscali Cæsareo undecimo Apr. dicti Anni mandatum ad exhibendas supplicas pro processibus contra memoratam civitatem.

Assertio XXI.

Si ex lege diffamari §. C. de *ing. man.* practicans conveniendus, iste forum diffamati sortitur. Quod confirmat Stryck. *introd. ad praxin for. Cap. 5. Gail. Libr. 1. O. XI. Zoëf. Libr. XL. t. 1.* Etiam si duplex adesse iudicium DD. statuant, tamen diffamantem sequi forum rei communi DD. opinione confirmatur.

CAPITULUM SECUNDUM.

DE

Privilegiis Eorum.

Assertio 1.



Privilegia, leges singulares in favorem certæ rei vel personæ contra legum generalium tenorem concessæ dicuntur. Hinc rejectâ divisione Schambogenii, dico alia realia, alia personalia esse. Realia dicuntur, quæ principaliter in favorem rei, loci, muneris,

C

vel

vel dignitatis conceduntur, & per consequens personis, quæ talem rem, locum, munus vel dignitatem possident vel quasitalia v. gr. sunt immunitas à solvendis decimis, tributis, vectigalibus, quæ, quia rei inhaerent, transeunt ad quoscunque successores & possessores. *L. 169. de R. I. Personalialia sunt, quæ primario personæ sine consideratione rei concessa, & ideo cum illa expirare demonstrat, L. 4. ff. de cens.*

Assertio II.

Sed privilegiâ ab ordinatione Cameralibus personis concessa non esse personalia sed realia jam constat ex supradictis. Ad quod Confirmatio peti poterit *ab Eng. ad Jus Can. Libr. V. tit. XXXIII. & Neumanni annot. ad Clar. vir. Sued. Introd. ad Jus Publ. Cap. 10.*

Assertio III.

Et inter has personas etiam contineri practicanes, si vox persona Cameralis strictè sumatur & respiciatur, legitur apud Blum. *Process. Cam. tit. XXII. §. 4. Rod. libr. 1. tit. 4. quot modis Jur. Cam. fund.*

Assertio IV.

Cum verò hæ multis gaudeant privilegiis, quibus pari modo practicanes utuntur, & hi non solum, sed etiam personarum Cameralium uxores, liberi &c. illa in quantum potero in lucem edam.

Assertio

Affertio V.

Notum, omnibus personis Cameralibus privilegium immunitatis à gabellis cuntisque oneribus competere *R. I. Nov. de Anno 1654. §. 141. Rod. p. J. Cam. libr. IV. tit. XV. ubi refert casum in Sachen D. Reichard Cappens Klägers/ wider Burgermeister und Rath der Stadt Hamburg Beßlagte/ Mandati de non gravando in immunitate publica contra leges Imperii & §. 4. Eod.* Ideo non dubito, quin non etiam competat practicantibus; Nam (sicut antea dictum) pari immunitate protectione & securitate gaudent.

Affertio VI.

Sed dubium occurrit; practicans hæres ab extraneo constituitur, quæ hæreditas multa bona mobilia & immobilia in se continet, talis autem ibidem domicilium constituere non intendens, vendit sua immobilia; Quæritur an decedens Gabellam solvere teneatur? Respondeo Negativè secundum allegatum *R. I. Nov. de Anno 1654. C. p. I. tit. LXIII.*

Affertio VII.

Practicantes ut tales in Camera litigantes propter injurias illatas dimidiam taxam solvendo liberari concludit Blum. *Process. Cam. tit. XXII.*

C 2

Affertio

Affertio VIII.

Immunitatem habere à vectigalibus, si vinum ex alienis territorii sibi procurent patet ex *C. p. i. tit. LXIII. Rod. p. J. Cam. XV.*

Affertio IX.

Practicans immatriculatus neque per se, neque per pedellum matriculam in Camera factam esse consuli civitatis indicare est adstrictus; sed magistratus, si quid periculosi de tali forsan timendum, à Præside Camerae informationem impetrabit. *C. p. i. tit. LXIII. §. 7.*

Affertio X.

Et hæc privilegia non solum personis Cameralibus, sed etiam earum familiis; id est: uxoribus & liberis, sub hac tamen clausula, si viduæ non nubant civibus, quia hoc casu forum mariti sequuntur, *L. 65. ff. de Jud. vel alienæ jurisdictioni se subijciant. R. 7. Nov. de Anno 1654.*

Affertio XI.

Ast an talia privilegia practicans nubens retineat difficultas est. Etenim studiosos communiter non habere uxores experientia docet & asseritur à Deck. *Vind. tit. XXII.* Hinc in ordinatione Camerali *parte i. tit. LXIII. §. 8.* Demnach sich auch ic. Expresse dicitur: quod illi, qui separatam Oeconomiam instituere, & ibidem perpetuò commorare intendunt non ad addiscendam praxin, sed solum sub hoc titulo frui privilegiis, planè sint exclusi & subjecti magistratui.

Affertio

Assertio XII.

Perspectis, visisque praxeos utilitatibus quisque eam sibi recommendatam habeat, & se in addiscendo sic diligentem ostendat, ut jure meritoque illud, quod Justinianus Imperator §. 7. Proëm. inst. effatus, ei applicari, & ad gubernacula rei publicæ admoveri possit. Quibus rudi minerva confectis assertionibus meis finem impono, rogitoque ut lectoris benevolentia omnia æquo & bono habeat animo.



Corollaria.

1.

Bona studiosorum Emigrationis & detractionis oneri subjecta non sunt.

2.

Leges in jure plus valent quam rationes. Etenim loquente lege taceant ratiocinationes, & in apertis hesitare vel coecutire insanire est.

3.

Fur rupto Laqueo vivus furca decidens de novo suspendendus non est.

C 3

4. Miles

4.

*Miles propter decerptum unicum pomum
vel cerasum contra dispositionem Belli - Ducis
rectè suspenditur.*

5.

*Hereditas cum Beneficio inventarii adita
de Jure Civili iterum repudiari potest.*

6.

*Duo insolidum ejusdem rei Domini esse
possunt.*

7.

*Vasallus alienato feudo sine consensu domi-
ni eodem privatur.*

8.

*Camera Imperialis ordinariam habet Juris-
dictionem.*

9.

*Res furtiva de Jure Canonico nec usucapi
nec praescribi potest.*

10. Renun-

10.

*Renunciatio senatus consulti Macedonia-
ni à Filio forato facta de Jure Canonico non
valet.*

11.

*Quotiescunque ad actum quendam necessa-
rio alicujus scientia requiritur, toties consensus
necessarius non est, sed sufficit hunc actum ipse
fuisse notificatum.*

12.

*Si Legatum relictum testamento pauperi-
bus, hoc non uni dandum, sed pluribus distri-
buendum esse confirmant practici.*

13.

*Filius familias de peculio adventitio testari
non potest.*

14.

*Petens relaxationem juramenti ad effectum
agendi non est adstrictus ad impetrandam partis
adverse citationem praxis in Camera docet.*

15. In

AK Th 3504

(24)

X 250 1437

15.

*In feudo pro se & suis heredibus masculis
& foeminis concesso, deficientibus masculis foemi-
nas succedere observatur in praxi.*

16.


*Sed si quis reliquerit filium & filiam, &
filius succedat in feudo, decedatque iterum sine
heredibus, filiane succedet in feudo vel non?
prius affirmandum puto.*

F I N I S.



ML





B.I.G.

Farbkarte #13

B. N. II, 173.
h. 34, II.

II K
3504

DISSERTATIO INAUGURALIS JURIDICAE
DE
FORO & PRIVILEGIIS
PRACTICANTIVM
IN CAMERA IMPERIALI,
Quam
EX POTENTISSIMI atque SERENISSIMI
PRINCIPIS AC DOMINI,
DOMINI
ERNESTI LUDOVICI,
HASSIÆ LANDGRAVII &c. &c. &c.
speciali permissione absque PRÆSIDE,
In celeberrima **LUDOVICIANA,**
Pro summis in utroq; Jure honoribus,
Privilegiis & Immunitatibus
ritè legitimèque consequendis,
Placidæ Disquisitioni & Censuræ publicæ submittit
ANSELM. FRANCISC. ANTONIUS
SPOENLA, Erfurtenfis.
Anno MDCCXVIII. ad Diem 1. Februarii,
in Auditorio majori hõris consuetis.

GIESSÆ - HASSORVM,
Typis VIDUÆ JOH. REINH. VULPII, Acad. Typogr.